

中國歷代神異典



廣發書社

中國歷代神異典

二



欽定古今圖書集成博物彙編神異典

第七十七卷目錄

佛菩薩部彙考一

毗婆尸佛

尸棄佛

毗舍浮佛

拘留孫佛

拘那含牟尼佛

迦葉佛

釋迦牟尼佛

神異典第七十七卷

佛菩薩部彙考一

毗婆尸佛

按長阿含經人壽八萬歲時此佛出世種利利姓拘利若父槃頭母槃頭婆提居槃頭婆提城坐波羅樹下說法三會度人三十四萬八千神足二一名壽茶二名提舍侍者無憂子方膺

按如來方便善巧呪經時毗婆尸佛住在虛空為護一切諸衆生故除滅一切惡邪鬼故而說呪曰南無

中國歷代神異典

第七十七卷 佛菩薩部

佛陀耶一南無達摩耶二南無僧伽耶三唵四阿羅阿羅五薩婆薩婆薩婆六南無結結結結七閻健模格那耶八南無那摩九蘇婆訶十爾時毗婆尸佛說是呪已告虛空藏菩薩言善男子若清信士及清信女有能受持讀誦者一切諸苦皆能破之按如觀佛三昧經毗婆尸佛身長六十由旬圓光百二十由旬

按法苑珠林第一維衛佛前後三會說法初會說經有十萬比丘皆得阿羅漢第二會說經有九萬比丘皆得阿羅漢第三會說經有八萬比丘皆得阿羅漢按景德傳燈錄毗婆尸佛過去莊嚴劫第九百九十八尊

尸棄佛

按長阿含經人壽七萬歲時此佛出世種利利姓拘利若父明相母光曜居光相城坐芬陀利樹下說法三會度人二十五萬神足二一名阿毗浮二名婆娑侍者忍行子無量

按如來方便善巧呪經時尸棄佛住在虛空為護一切衆生除一切病斷一切鬼邪故說是神呪南無佛陀耶一南無達摩耶二南無僧伽耶三南無尸棄泥多他伽多耶四唵五蓋柘蓋柘六波柘耶七薩婆薩多男八闍大邏耶九蓋囉毗咄十蘇婆訶十一爾時尸棄如來說是呪已告虛空藏菩薩言善男子是陀羅尼無量百千億那由他諸佛所說我今亦說為欲憐愍一切衆生除一切病却一切鬼及諸惡夢枉橫死等虛空藏若善男子及善女人有能晝夜憶念誦持是神呪者終不為惡病所惱及諸惡人之所厭魅

於睡眠中夢見諸佛一切等事隨意所用

按如觀佛三昧經尸棄佛身長四十由旬圓光四十五由旬通身光一百由旬

按法苑珠林第二式佛亦三會說法初會說經有九萬比丘皆得阿羅漢第二會說經有八萬比丘皆得阿羅漢第三會說經有七萬比丘皆得阿羅漢按景德傳燈錄尸棄佛莊嚴劫第九百九十九尊毗舍浮佛

按長阿含經人壽六萬歲時此佛出世種利利姓拘利若父善燈母稱戒居無喻城坐婆羅樹下說法二會度人一十三萬神足二一扶遊二鬱多摩侍者寂滅子妙覺

按如來方便善巧呪經時毗舍浮佛住在虛空為護一切除諸衆生一切病苦斷一切惡鬼故說是陀羅尼南無佛陀耶一南無達摩耶二南無僧伽耶三南無毗舍浮智多他伽多耶四唵五迦羅迦羅迦羅六居路居路七居盧瑟大男八居盧瑟婆伽囉阿摩九蘇婆訶十爾時毗舍浮佛說是呪已告虛空藏菩薩言善男子是陀羅尼賢劫之中所有諸佛及三世諸佛皆悉說之我今亦說虛空藏汝應護持若有善男子善女人能受持讀誦是陀羅尼一切諸苦皆能遠離

按如觀佛三昧經毗舍浮佛身長三十二由旬圓光四十二由旬通身光六十二由旬

按法苑珠林第三隨葉佛再會說法初會說經有七萬比丘皆得阿羅漢第二會說經有六萬比丘皆得阿羅漢

八三七

按景德傳燈錄毗舍浮佛莊嚴劫第一千尊
拘留孫佛

按長阿含經人壽四萬歲時此佛出世種婆羅門姓
迦葉父禮得母善枝居安和城坐戶利沙樹下說法
一會度人四萬神足二一薩尼二毗樓侍者善覺子
上勝

按如來方便善巧呪經時拘那含牟尼佛住在虛空爲護
一切衆生除一切病斷一切惡及鬼魅故說是呪曰
南無佛陀耶一南無達摩耶二南無僧伽耶三那莫
迦囉脚村大耶四多他伽多耶五阿囉漢坻六三藐
迦三佛陀耶七唵八迦陀迦陀迦陀迦陀九迦致迦
致迦致迦陀耶十那莫薩婆多他伽致迦十阿囉呵
大地耶三藐三佛陀耶三藐三佛陀耶三藐三佛陀耶
孫佛說是呪已告虛空藏菩薩言善男子是陀羅尼
乃至恆河沙等同名拘那含牟尼佛及三世諸佛所說
讚歎隨喜若人受持是神呪者於未來世末劫之中
建立三寶能生正信若比丘比丘尼優婆塞優婆夷
能常誦持者於現身中離一切種種病苦

按如觀佛三昧經拘留孫佛身長二十五由旬圓光
三十二由旬遍身光五十由旬

按法苑珠林第四拘樓孫佛一會說經有四萬比丘
皆得阿羅漢

按景德傳燈錄拘留孫佛見在賢劫第一尊
拘那含牟尼佛

按長阿含經人壽三萬歲時此佛出世種婆羅門姓
迦葉父大德母善勝居清淨城坐烏智婆羅門樹下
說法一會度人三萬神足二一舒聚那二鬱多樓侍

者安和子導師

按如來方便善巧呪經時拘那含牟尼佛住在虛空
爲護一切衆生迷荒除一切病斷一切惡諸鬼魅故
而說是呪南無佛陀耶一南無達摩耶二南無僧伽
耶三那莫迦那迦那迦那迦那多他伽多耶四阿囉漢
坻六三藐迦三佛陀耶七唵八薩囉薩囉薩囉薩囉
九賜囉波耶十達摩達摩達摩達摩十度無度無度
摩耶十一那莫迦那無那願三多他迦多耶十二阿囉漢
坻十三藐迦三佛陀耶十六悉泥妬漫多囉盡大十蘇
婆呵十爾時拘那含牟尼佛說是呪已告虛空藏菩
薩言善男子是陀羅尼若有善男子善女人常能讀
誦受持之者一切病苦悉能除愈

按如觀佛三昧經拘那含牟尼佛身長二十五由旬
圓光三十由旬遍身光長四十由旬
按法苑珠林第五拘那含牟尼佛一會說經有三萬
比丘皆得阿羅漢

按景德傳燈錄拘那含牟尼佛賢劫第二尊
迦葉佛

按長阿含經人壽一萬歲時此佛出世種婆羅門姓
迦葉父梵德母財主居波羅奈城坐尼拘律樹下說
法一會度人二萬神足二一提舍二婆羅婆侍者善
友子集軍

按如來方便善巧呪經時迦葉佛住在虛空爲護一
切無量衆生除一切病斷一切惡諸邪魅故說是神
呪南無佛陀耶一南無達摩耶二南無僧伽耶三南
無伽波多伽多耶四唵五阿囉阿囉阿囉阿囉六
阿呵七南無迦葉波耶八阿囉漢坻九三藐三佛

陀耶十悉若呵妬十摩多囉盡陀十一蘇婆呵十二爾時
迦葉佛說是呪已告虛空藏菩薩言善男子是陀羅
尼三十三恆河沙等諸佛所說汝當受持讀誦修行
虛空藏若有善男子善女人晝夜三時誦是呪者即
得現前夢見諸佛離諸業障
按如觀佛三昧經迦葉佛身長十六丈圓光二十由
旬
按法苑珠林第六迦葉佛一會說經有二萬比丘皆
得阿羅漢

按景德傳燈錄迦葉佛賢劫第三尊
釋迦牟尼佛

按修行本起經開如是一時佛在迦維羅衛國釋氏
精舍尼拘陀樹下與大比丘衆千二百五十人俱皆
是阿羅漢已從先佛淨修梵行諸漏已盡意解無垢
衆智自在曉了諸法離於重擔遠得所願三處已盡
正解已解三神滿具六通已達比丘尼衆大覺道等
五百人不可計諸優婆塞優婆夷四輩普具諸異學
婆羅門尼健等不可計都悉來會一切諸四天王切
利天王焰天王兜術天王尼摩羅提天王摩羅尼密
天王梵天王乃至阿迦膩吒天王各與無央數衆皆
悉來會諸龍王阿須倫迦留羅毗陀羅摩休勒一一
尊神各與眷屬皆悉來會白淨王無怒王無怒王甘
露淨王及迦維羅衛九億長者各從官屬一時來會
爲佛作禮却坐一面爾時佛放身三十二相八十種
好光明普照三千世界如月盛滿星中特明威神堂
堂衆聖中王一切衆會咸有疑心各自念言太子生
迦維羅衛長白淨王家棄國行學道成覺佛爲於樹

中國歷代神異典

第七十七卷 佛菩薩部

下六年得道耶十二年得乎或復念官本行何術致斯幾幾所事何師今得特尊始修何法得成爲佛佛知一切皆有疑意便告摩訶目健連汝能爲世薩阿竭說本起乎於是目連即從座起前整衣服長跪叉手白佛言唯然世尊今當承佛威神持佛神力爲一切故當廣說之佛言宿命無數劫時本爲凡人初求佛道以來精神受形周徧五道一身死壞復受一身生死無量譬喻盡天下草木斷以爲籌計吾故身不能數矣夫極天地之始終謂之一劫而我更天地成壞者不可稱數也所以感傷世間貪意長流沒於愛欲之海吾獨欲返其源故自勉而特出是以世世勤苦不以爲勞虛心樂靜無爲無欲損已布施至誠守戒謙卑忍辱勇猛精進一心思惟學聖智慧仁活天下悲窮傷厄慰沃憂感育養衆生救濟苦人承事諸佛別覺異人功勳累積不可得記至於昔者錠光佛與世有聖王號名燈盛治在提和衛國人民長壽慈孝仁義地沃豐盛其世太平生一太子字爲錠光聰明智慧世之少雙聖王愛念甚奇甚異臨壽終時國付太子太子錠光念計無常傳國授弟即時出來行作沙門道成號佛無上至尊神德光明無盡晝夜從比丘衆六十二萬遊行世界開化衆生當還提和衛國度脫種姓及國臣民與諸大衆遊諸本國是時國中百官羣臣謂佛大衆來攻奪國皆共議言今當與師還往拒之不宜與國即時相率欲以向佛佛以六通逆照其心化作大城高大嚴峻與彼城對佛與國人欲令解脫即化二城變爲琉璃其城洞達內外相照復化六十二萬比丘如佛無異變化示現王見惶

怖疑解心伏即出詣佛叩頭自悔稟性空頑惡意向佛愚人所誤幸惟原之願佛便還精舍七日之中當修所供奉迎至尊佛知其意默然便還於是其王問羣臣曰奉迎聖王其法云何諸臣言迎還迎越王法莊嚴國土而四十里平治道路香汁灑地金銀珍琦七寶欄楯起諸幢幡繡繡華蓋城門街巷莊校嚴飾彈琴鼓樂如切利天散華燃燈燒香名香敬待道備七日已辦王勸羣臣百官導從躬親近佛佛哀人民告諸比丘嚴出應請比丘受教行詣本國佛告比丘汝等見此供設嚴好光目者不昔吾承事往古諸佛供養莊嚴亦如今也是時有梵志備置名無垢光幼懷聰敏志大弘隱居山林守元行禪圖書祕藏無所不知心思供養奉報師恩辭行開化道經丘聚衆中梵志名不樓陀盛祀大祠滿十二月飯食供養梵志徒衆八萬四千人歲終達觀金銀珍寶車馬牛羊衣被綉綵履屨七寶之蓋錫杖淨金最聰明智慧者應受斯物七日未竟時備置菩薩入彼衆中論道說義七日七夜爾時其衆欣踊無量主人長者甚大歡喜以女賢意施於菩薩菩薩不受惟取金蓋錫杖澡盥履履金銀錢各一千還上本師其師歡喜便共分佈備置菩薩復辭出行時諸同學各各贈送人一銀錢遂行入國見人欣然怨怒平治道路灑掃燒香即問行人用何等故行人答曰錠光佛今日當來施說供養備置菩薩聞佛歡喜踴躍衣毛肅然佛從何來云何供養行人對曰惟持華香繡綵幢幡於是菩薩便行入城勸求供具須臾周市了不可得國人言王禁華香七日獨供養菩薩聞之心甚不樂須臾佛到

知童子心時有一女持瓶盛華佛放光明徹照華瓶變爲琉璃內外相見菩薩往迎說願買華歡喜受華去女曰今我女弱不能得前請寄二華以上於佛即轉佛到國王臣民長者居士各屬圍繞數千百重菩薩欲前散華不能得前佛知至意化地作泥人衆兩披爾乃得前便散五華皆止空中變成華蓋面七十里二華住佛兩肩如上如根生菩薩歡喜布髮著地願尊蹈之佛言豈可蹈乎菩薩對曰惟佛能蹈佛乃蹈之即住而笑口中五色光出離口七尺分爲兩道一光繞佛三而光照三千大千刹土莫不得所還從頂入一光下入十八地獄苦痛一時得安諸弟子白佛言佛不妄笑願說其意佛言汝等見此童子不唯然已見世尊言此童子於無數劫所學清淨降心棄命捨欲守空不起不滅無荷之惡積德行願今得之矣佛告童子汝却後百劫當得作佛名釋迦文能仁如來無所著至具等正覺劫名波陀爲言世界名沙粹父名白淨母名摩耶妻名婁夷子名羅云侍者名阿難右面弟子名舍利弗左面弟子名摩訶目健連教化五濁世人度脫十方當如我也於是能仁菩薩以得決言踊躍歡喜疑解望止寂然無想寂而入定即時身踊懸在空中去地七仞從上來下稍首佛足便作沙門佛說頌言能仁菩薩承事錠光至於泥洹奉戒清淨守護正法慈悲喜護應施仁愛救濟不倦壽終上生兜術天上欲救一切攝度盲冥從上來下爲轉輪王飛行皇帝七寶導從何爲七寶一金輪寶二神珠寶三玉女寶四典寶藏臣五典兵臣六紺馬寶珠鬘鬘七白象寶珠髮尾爾時人民壽八萬四千歲

中國歷代神異典

第七十七卷 佛菩薩部

八四〇

後宮嫔女各八萬四千王有千子仁慈勇武一人當千聖王治政承德十善教授人民天下太平風雨順時五穀熟成食之少病味若甘露氣力豐盛惟有七病一者寒二者熱三者饑四者渴五者大便六者小便七者意所欲聖王善盡又昇梵天爲梵天王上爲天帝下爲聖王各三十六返終而復始欲度人故隨時而出菩薩勸苦經歷三阿僧祇劫垂欲盡慈傷一切輪轉無際爲衆生故投身餓虎勇猛精進超踰九劫能仁菩薩於九十一劫修道德學佛意行六度無極布施持戒忍辱精進一心智慧善權方便慈悲喜護養育衆生如視赤子承事諸佛積德無限累劫勤苦過十地行在一生補處功成事就神智無量期運之至當下作佛於兜率天上與四種觀觀視土地觀觀父母生我教化之宜先當度誰白淨王者是吾累世所生父拘利帝有二女時在後園池中澡浴菩薩舉手指言是吾世所生母當往就生時有五百姓志皆有五神通飛過宮城不能得度驚而相語吾等神足石壁皆通因何等故今不得度梵志師言汝見此二女一女當生三十二相大人一女當養三十二相大人是其厥神令吾等失神足是時音聲普聞天下是時白淨王歡喜踊躍食得飛行皇帝來生其家即便求索娉迎爲妻於是能仁菩薩化乘白象來就母胎用四月八日夫人沐浴塗香著新衣舉小如安身夢見空中有乘白象光明悉照天下彈琴鼓樂笙歌之聲散華燒香來詣我上忽然不見夫人驚寤王即問曰何故驚動夫人言向於夢中見乘白象者空中飛來彈琴鼓樂散華燒香來在我上忽不

復見是以驚覺王意恐懼心爲不樂便召相師隨若那占其所夢相師言此夢者是王福慶聖神降胎故有是夢生子處家當爲轉輪飛行皇帝出家學道當得作佛度脫十方王意歡喜於是夫人身意和雅而說偈言果散諸小國王聞大王夫人有娠皆來朝賀各以金銀珍寶衣被華香敬心奉貢稱吉無量夫人舉手操之不欲勞煩自夫人懷妊天獻衆味補益精氣自然飽滿不復養王廚十月已滿太子身成到四月八日夫人出遊過流民樹下衆華開敷明星出時夫人攀樹枝便從右脇生墮地行七步舉手住而言天上天下惟我爲尊三界皆苦吾當安之應時天地大動三千大千刹土莫不大明釋梵四王與其官屬諸龍鬼神聞叉健陀羅阿須倫皆來侍衛有龍王兄弟一名迦羅二名鬱迦羅左兩溫水右兩冷泉釋梵摩持天衣表之天雨華香彈琴鼓樂薰香燒香拂香澤香虛空側塞夫人抱太子乘交龍車幢旛伎樂導從還宮王聞太子生心懷喜踊即與大眾百官羣臣梵志居士長者相師俱出往迎王馬足觸地五百伏藏一時發出海行興利於時集至梵志相師普稱萬歲即名太子號爲悉達王見釋梵四王諸天龍神滿空中敬心肅然不識下馬禮太子時未至城門路側神廟一國所崇梵志相師咸言宜將太子禮拜神像即抱入廟諸神形像皆悉顯覆梵志相師一切大眾皆言太子實神寶妙威德感化天神歸命咸稱太子號天中天於是還宮天降瑞應三十有二一者地爲大動五境皆平二者遠巷自淨臭處更香三者國界枯樹皆生華葉四者苑園自然生奇花甘果五者

陸地生蓮華大如車輪六者地中伏藏悉自發出七者中藏寶物開現精明八者宿舊衣被披在施架九者衆川萬流淨住澄清十者風雲陰空中清明十一者天爲四面細雨澤香十二者明月神珠懸於殿堂十三者宮中火燭爲不復用十四者日月星辰皆住不行十五者沸星下現待太子生十六者天梵寶蓋彌覆宮上十七八方之神奉寶來獻十八天百味飯自然在前十九寶覺萬口應盛甘露二十天神奉七寶交露車至二十一五百白象子自然羅在殿前二十二五百白師子從雪山出羅住城門二十三諸天現妓女肩上二十四諸龍王女繞宮而住二十五天萬玉女把孔雀尾拂現官牆上二十六天諸玉女持金瓶盛香汁列住空中侍二十七衆皆下同時俱作二十八地獄皆休毒痛不行二十九毒蟲隱伏古鳥翔鳴三十漁獵怨惡一時慈心三十一境內孕婦生者悉男身百病瘡癰殘百病皆悉除愈三十二樹神人現低首禮侍當此之時十六大國莫不驚奇歎未曾有於是香山有道士名阿夷中夜覺天地大動觀見光明輝赫於常山中有華華名優曇鉢華中自然生師子王墮地便行七步舉頭而吼面四十里其中飛鳥走獸蛸蛸飛蚊行蠕動之類莫不攝伏阿夷念言世間有佛應現此瑞今世五濁惡惡何故有此吉祥瑞應天曉飛到迦夷衛國未及國城四十里外忽然落地心甚驚喜此必有佛於我無疑步詣宮門門監白王阿夷在門王愕然曰阿夷常飛今者何故在門求通王即出禮拜迎澤洗沐浴施新衣服問訊今日臨願勞屈聖阿夷答曰聞大王夫人生

太子故來體有勤其內人抱太子出侍女白言太子疲憊始得安眠阿夷喜說便說偈言人雄常自覺覺不覺者歷却無睡臥豈當眠寐乎於是侍女抱太子出欲以太子向阿夷禮阿夷便驚起前禮太子足國王及羣臣見國師阿夷敬禮太子心便悚然益知至尊即皆頭面禮太子足阿夷猛力迴伏百壯士方抱太子筋骨委震見奇相三十二八十種好身如金剛殊妙難量悉如祕藏必當成佛於我無疑淚下哽噎悲不能言時王惶怖請問太子有不祥乎吉凶願告幸勿有難阿夷自抑制即便說偈言今生大聖人除世諸災患傷我自無福七日當命終不見神變化說法與世間今與太子別是故自悲泣太子舉手言五道十萬人吾當盡教化皆令得其所我本意所願當度薩和薩一人不得道吾不入泥洹於是阿夷喜重禮太子足白淨王怖止歡喜即說偈言太子有何相當何治於世願爲一一說諸相有何福時阿夷以偈答王言今觀太子身金色堅固志無上金剛杵春破疑欲山大人相滿具足下安平正居國當平治出家等正覺手足輪相現其好有千幅是故轉法輪得佛三界尊鹿胎而籠轉應相陰馬藏觀者無有狀是故法清淨纖長手臂指稊掌中表是故法久長千歲在世教皮毛柔軟細右旋不受塵金鈎鎖骨是故伏外道方身師子臆旋轉不阿曲平住手過膝是故一切禮身有七處滿千手力當救苦隨宿作行是故無惡惡口含四十齒方白而齊平甘露法率衆是故有七寶頰車如師子四牙萬字現佛德現天下是故豐三世味大第殊所食識其味是故說法味施

與於一切廣舌如蓮華出口覆其面是故種種音受者如甘露語聲震驚音誦經過梵天是故說法時身安意得定眼相紺青色世世慈心觀是故天人類親佛無有欺頂特生肉髻髮色紺琉璃欲度一切故是故法隆盛面光如月滿色優華初開是以眉間毫白淨如明珠於是王深知其能相爲起四時殿春秋冬夏各自異處其殿前列種甘果樹樹間七寶池池中心華色色各異譬如天華水類之鳥數十百種宮城牢固七寶樓觀懸鈴幢幡門戶開閉聲聞四十里選五百妓女擇取溫雅禮儀備者供養娛樂育養太子太子生日國中八萬四千長者生子悉男八萬四千鹿馬生駒其一特異毛色絕白髦鬣貫珠以是之故名之爲養特鹿生白象八萬四千其一白象七肢平時髦鬣貫珠口有六牙是故名爲白象之寶白馬給乘奴名車匿太子生七日其母命終以懷天師功福大故生初利天封受自然太子在宮不樂憤悶志思開燕王問侍女太子樂乎侍女白言供養妓樂不失時節觀省太子不以歡樂王用愁憂即召羣臣阿夷相言必成佛道以何方使太子爾令無道意有一臣言惟教書疏用繫志意即與其僕五百人俱共詣師門師問太子至即出拜迎太子問言此爲何人臣言是國教書師也太子問言閻浮提書凡有六十四種即數書名今用何書以相教示梵志惶怖答太子言六十四種已所未聞惟持二書以教人民即時歸命願教不及於是太子與諸官屬即廻還宮至年十七妙才益顯晝夜憂思未會歡樂常念出家王問其僕太子云何其僕答言太子日日憂悴未常歡樂王

復愁憂召諸羣臣太子憂思今當如何有一臣言令習兵馬或言當習手搏射御或言當令案行國界使觀施爲散其意思有一臣言太子已大宜當娶妻以迴其志王爲太子採擇名女無可意者有小國王名須波佛見有女名裘夷端正皎潔天下少雙八國諸王皆爲子求悉不與之白淨王聞即召善覺而告之曰吾爲太子聘取卿女善覺答言今女有母及諸羣臣國師梵志當卜所宜別自啓白善覺歸國愁憂不樂絕不飲食女即問王體力不安何故不樂父言生汝令吾憂耳女言云何爲我父言聞諸國王來求索汝吾皆不許今日白淨王爲太子求汝若不許者恐見誅罰適欲與者諸國怨結以是之故令吾憂慮女言願父安意此事易耳我却七日自處出門善覺聽之表白淨王女却七日自求處國中有勇武技術最多者乃許爲之白淨王念太子處宮未曾所習今欲試藝當如何乎至其時日裘夷從五百侍女詣國門上諸國術士皆皆雲集觀最妙技禮樂備者我乃應之王勅羣臣當出戲場觀諸技術王語優陀汝告太子爲爾娶妻當現奇藝優陀受教往告太子王爲娶妻今試禮樂宜就戲場太子即與優陀難陀調達阿難等五百人執持禮樂射藝之具當出城門安置一象當其城門決有力者調達先出見象塞門投之一拳應時即死難陀等至牽著道側太子後來問其僕曰誰枉殺象答言調達殺之誰復移者答言難陀菩薩慈仁徐前接象舉擲城外象即還更更生如故調達到場撲象力士莫能當者諸名勇力皆爲摧辱王聞其僕誰爲勝者答言調達王告難陀汝與調達

二人相撲難陀受教即撲調達頓斷絕以水灌之
斯須乃甦王復問言誰爲勝者其僕答言難陀得勝
王告難陀與太子決難陀曰王兄如須彌難陀如芥
子實非其類拜謝而退復以射決先安鐵鼓十里置
一至於七鼓諸名村者其箭力勢不及一鼓調達放
發微一中二難陀微二箭貫三鼓其餘藝士無能及
者太子前射射皆折無可手者王告其僕曰吾先
祖有弓今在天廟故取持來即往取弓二人乃勝令
典衆人無能舉者太子張弓弓聲如雷傳與衆莫
能引者太子挽弓牽彈聲聞四十里響弓放箭微過
七鼓再發穿鼓入地泉水涌出三箭貫鼓若鐵圍山
一切衆會歎未曾有諸來決藝藝皆受折慚而去
復有力人王最於後來壯健非常勇猛絕世謂調達
難陀爲不足舉當與太子共決技耳被辱者著乎
能報屈辱歡喜語力人王卿之雄傑世無當者決力
取勝必自如意皆隨後還觀與太子決勝負調達難
陀奮其威武便前欲擊太子止言此非爲人大力魔
王耳卿不能制必受其辱善自當之父王聞此念太
子幼深爲恐怖諸來觀者謂勝太子時力人王踏地
勇起奮臂舉手前撮太子太子應時接撲著地地爲
大動衆會重疊散去忽滅太子殊勝椎鐘擊鼓彈琴
歌頌騎乘還宮優陀語善覺言太子技藝事殊特
卿女裴夷今于何在善覺答言從五百女在城門上
優陀曰太子言宜現奇特太子脫身珠璣欲遙擲之
優陀言衆女太多今擲與誰太子言珠璣著頸則是
其人尋便擲珠即著裴夷一切衆女皆稱妙哉甚爲
殊特世之希有於是善覺嚴辦送女詣太子宮衆妓

侍從凡二萬人晝夜娛樂絕世之音太子志意不以
爲歡常欲棄捨修造業濟度衆生王同其僕太子
迎妃以來意趣云何僕答王言憂思不樂身體羸瘦
轉不如前王心悉憂即召羣臣太子不悅當如之何
諸臣議言宜復娣娶增其妓樂僅能忘樂於世間
即復爲娣妙女一名衆稱味二名常樂意其夫人
者二萬妹女三夫人者凡有六萬妹女端正妙好天
女無異王問裴夷等太子今有六萬妹女妓樂供養
太子寧樂乎各言太子風夜事精志道不思欲樂王
聞憂慘召羣臣復共議言今供太子盡世珍奇而故
專志未會歡喜必如阿夷言乎諸臣各言六萬妹女
極世之樂不以爲歡宜使出遊觀於政治以散道意
也於是王告太子當行遊觀太子念言久在深宮思
欲出遊番得所願王勅國中太子當出嚴整道巷灑
掃燒香應繪蓋蓋務令鮮潔太子導從千乘萬騎始
出東城門時首陀會天名難提和曼欲令太子速疾
出家救濟十方三毒火然願雨水以滅毒火難提
和曼化作老人踞於道傍頭白齒落皮寬面皺肉消
脊偻肢節藝曲眼淚鼻涕涎涎出相屬上氣喘息身色
驚黑頭手顫掉軀體顛倒慚慚自出坐臥其上太子
問言此爲何人僕言老人何等爲老曰夫老者年者
根熱形變色衰氣微力竭食不消化骨節欲離坐臥
須人目眼耳聾迴旋即忘言輒悲哀餘命無幾故謂
之老太子歎曰人生於世有此老患愚人貪愛何可
樂者物生於春秋冬悴枯老至如電身安足恃即說
偈言老則色衰病無光澤皮緩肌縮死命近促老則
形變喻如故車法能除苦宜以力學令欲日夜盡及

時可動力世間諸非常莫惡慮冥中當學於慈燈自
練求智慧離垢勿染汙執燭觀道地於是太子即迴
車還感傷一切有此大患憂思不樂王同其僕太子
出遊何故速還其僕答言道遠老人傷念不樂還宮
悉思數年小差復欲出遊王勅國中太子當出恭詣
皇親莫在這側於是太子駕乘出南城門天化爲病
人在於道側身瘦腹大軀體黃瘦咳嗽喘逆百節痛
毒九孔敗漏不淨自流目不見色耳不聞聲呻吟呼
吸手足攢空嗷呼父母悲戀妻子太子問曰此爲何
等其僕答言病人也何等爲病答言人有四大地水
火風一大有百一病展轉相侵四百四病同時俱作
此人必以極寒極熱極饑極飽極飲極渴時節失所
臥起無常故致斯病太子歎曰吾處貴極世所珍
飲食快口放心自恣姪姪於五欲不能自覺亦富有病
與彼何異即說偈言是身爲脆故常俱四大中九孔
不淨漏有老有病患生天皆無常人間老病憂觀身
如雨泡世間何可樂於是太子迴車還宮思念一切
有此大患王同其僕太子出遊今者何如其僕答言
遑見病人於是不樂數年小差復欲出遊王勅國中
太子當出平治臭處無令近道出西城門天化作死
人扶柩出城室家隨車啼哭呼天奈何捨我永爲別
離太子問曰此爲何等僕言死人何等爲死答言死
者盡也精神去矣四大欲散魂神不安風去息絕火
滅身冷風先火次魂靈去矣身體挺直無所復知旬
日之間肉壞血流脾腐爛臭無一可取身中有蟲蟲
還食之筋脉爛盡骨節解散骸骨臭處有腐肩臂脚
脛足指各自異處飛鳥走獸就來食之天龍鬼神帝

王人民貧富貴賤無免此患太子長歎而說頌曰觀見老病死太子心長歎人生無常在吾身亦當然是身為死物精神無形法假令死復生罪福不敗亡終始非一世從癡愛久長自此受苦樂身死神不喪非空非海中非入山石間無有地方所脫止不受死於是太子迴車還宮慙念衆生有老病死苦惱大患慈思不食王問其僕太子出遊寧有樂乎即答王言達見死人遂致不樂數年小差復欲遊觀嚴駕出北城門天復化作沙門法服持鉢行步安詳目不離前太子問曰此爲何人其僕答曰沙門也何等爲沙門答言蓋沙門之爲道也捨家妻子捐棄愛欲斷絕六情守戒無爲得一心者則萬邪滅矣一心之道謂之羅漢羅漢者真人也聲色不能汙染位不能屈難動如地已死憂苦存亡自在太子曰善哉惟是爲快即說傷言痛哉有此苦生老病死患精神還入罪經歷諸勤苦今當滅諸苦生老病死除不復與愛會永令得滅度於是太子即迴車還愛思不食王問其僕太子又出意豈樂乎僕言行見沙門倍更憂思不餐飲食王聞大慈舉手自擊前勅修造復令太子出觀見不祥罪應刑戮即召羣臣各便建議設何方術當令太子不出學道有一臣言宜令太子監農種植役其意思使不念道便以農器犂牛作具僕從小吏相率上田令監課之太子坐闊浮樹下見耕者壟壤出蟲天復化令牛領與壤蟲下淋落鳥隨啄吞又作蝦蟇追食曲蟬蟻從穴出吞食蝦蟇孔雀飛下啄吞其地蒼鷹飛來搏取孔雀鷹復來搏最食之菩薩見此衆生品類展轉相吞慈心感傷即於樹下得第一禪日

光赫奕樹爲曲枝隨蔭其軀王念太子常在宮中未曾執苦即問其僕太子何如對言今在闊浮樹下一心禪定王曰吾令監作欲亂其思然故禪定在家何異王勅嚴駕便往追之遙見太子樹枝曲蔭神曜非常下馬作禮即與俱還未及城門無數千人華香奉迎相師一切稱善無量王問何故梵志答言明旦日出七寶宮至王大歡喜必成聖主是時太子還宮思惟念道清淨不宜在家當處山林研精行禪至年十九四月七日誓欲出家至夜半後明星出時諸天側塞虛空勸太子去時裴夷見五夢即便驚覺太子問之何故驚寤對向者夢中見須彌山崩月明落地珠光忽滅頭髻墮地人奪我蓋是故驚覺菩薩心念此五夢者應吾身耳念當出家告裴夷言須彌不崩月明續照珠光不滅頭髻不落拿蓋今在且自安寐莫憂失蓋於是諸天言太子當去恐作稽留召烏蘇慢此神適來入宮國內厭寐時難提和羅化諸官殿盡爲塚墓裴夷妓女皆成死人骨節解散觸體臭處辟脹爛臭青瘀膿血流漫相屬太子觀視宮殿悉作塚墓瑠璃傀儡豺狼鳥獸飛走其間太子觀見一切所有如幻如化如夢如響皆悉歸空而思者保之即呼車匿急令轅馬車匿言天尚未曉轅馬何疾太子即爲車匿而說偈言今我不樂世車匿馬便跳脫不可得近還白太子馬今不可得轅菩薩自往拊拍馬背而說頌曰在於生死久騎乘絕於今棄特送我出得道不忘汝於是轅馬訖蹇特自念言今當足躡地感動中外人四神接舉足令脚不着地馬時復欲鳴

使聲遠近聞天便散馬聲皆令入虛空太子即上馬出行詣城門諸天神龍神釋梵四天神悉導從蓋於虛空時城門神人現稽首言迦維羅衛國天下最爲中豐樂人民安何故捨之去太子以偈答言生死爲久長精神經五道使我本願成當開泥洹門於是城門自然便開出門飛去天曉行四百八十里到阿奴摩國太子下馬解身寶衣環瑤寶冠盡與國特告言汝便牽馬歸上謝大王及國羣臣關特言今當隨從供給所須不可獨還放馬令去山中多有毒蟲虎狼師子諸當供養飲食水漿臥臥之具當何從得要當隨從與并身命懸特長跪淚出屈足見水不飲得草不食嗚啼涕泣徘徊不去太子復說偈言身強得病摧氣盛老至衰死亡生別離云何樂世間於是闍特悲泣禮足牽馬辭還未至國城四十里外白馬悲鳴其聲徹國中皆云太子來還舉國人民絡繹出迎但見車匿牽馬空還裴夷見此自投殿下抱馬歔歔淚下交橫王見裴夷泣泣五內皆摧傷自抑告言曰吾子學自然國中人民見王及裴夷哽噎悲泣莫不爲摧傷裴夷日夜思王便召羣臣吾有一太子捨我而入山卿曹相差大令教滿五人共追侍太子慎勿中來還太子得離俗踊躍欣喜安徐步行入城國人觀太子歡喜無有厭太子離恩愛遠諸苦惱恨思欲刺頭髮舍卒無有具帝釋持刀來天神受髮去遂復前行國中人民隨而觀之於是出國小復前行到摩竭國從右門入左門出國中人民男女大小見太子者或言天人或言帝釋梵天神龍王歡喜踴躍不知何神太子知其所念便下道坐樹下人民圍繞歡喜觀

中國歷代神異典

第七十七卷 佛菩薩部

八四四

視時國王莽沙即問臣吏國中何以寂默了無音聲對曰朝有道士經國過去光相威儀非世所有國人大小追出而觀於今未還於是王與羣臣出詣道士遙見太子光相殊妙便問太子是何神乎太子答言吾非神也王問若非神者從何國來是何姓族太子報言吾出香山之東雪山之北國名迦維父名白淨母名摩耶莽沙問言將無惡達乎答言是也驚起禮足太子生多奇異形相炳著當君四天下爲轉輪聖王四海願願真神寶至何棄天位自投山數必有異見願聞其志太子答言以吾所見天地人物出生有死劇痛有四老病死苦不可得離身爲苦器畏無量若在尊寵則有饑寒求快意天下被患此吾所厭故欲入山諸者長曰夫老病死自世之常何獨預憂乃棄美號隱遁潛居以勞其形不亦難耶於是太子即說頌言如諸君言不當預憂使我爲王老到病至若當死時寧有代我受此厄者如無有代胡可勿憂天下有慈父孝子愛微骨髓至當死時不得相代若此傷身苦至之日雖居高位六親在側如爲盲人設燭何益於無眼者吾觀衆行一切無常皆化非眞樂少苦多身非已有世間虛無難得久居物生有死事成有敗安則有危得則有亡萬物紛擾皆當歸空精神無形躁濁不明行致死生之厄非直一受而已也但爲貪愛蔽在癡網沒生死河莫之能覺故吾欲入山一心思四空淨度色滅盡斷求念空無所適莫是將返其源而歸其本始出其根如我願得乃可太安莽沙王及諸者長歡喜意解太子志妙世間難有必得佛道願先度我太子默然而逝復前念言今我

入山何用實衣世間癡愚人皆爲財所危即使見獵師驅遊被法衣太子喜念言此則眞人衣度世慈悲服獵者何故著心念欲貿易成我志所願便持金縷衣貿取法衣縷越獵者內歡喜菩薩亦俱然太子被震越柔輭鮮且潔觀視僧伽梨遇佛無差別於是遂入山菩薩得法服欣喜光耀耀山林諸道士一名爲阿蘭二名爲迦蘭爾學來積年四禪具足獲致五通見光驚怪此何瑞應便共出觀遙見太子是爲悉達今果出家善來悉達可坐是榻冷泉美果今可食之而作頌曰日王初出時在於山頂上是故慧明照一切諸羣生若有觀面像緣意不知厭是故道德最無雙無有比是時菩薩說頌言雖修四定意不知無上慈道心正爲本不在事邪神行俗謂爲眞長夜求梵天是故不識道輪轉墮生死於是菩薩行起慈心徧念衆生老耄顛愚不免疾病死喪之痛欲令解脫以一其意而起悲心慈傷一切皆有饑渴寒暑得失罪咎艱難之患欲令安穩以一其意而起善心念諸世間皆有憂苦恐怖遭逢之患欲令憐泊以一其意而起護心欲度五道八難衆生愚蔽厭聞不見正道念欲成濟使得無爲以一其意得善不喜逢惡不憂捨世八事利衰毀譽稱讚苦樂不以傾動成二禪行復前到斯那川其川平正多種果樹處處有流泉浴池其中淨潔無有蚊蜂蚊蠅蚤蚋中道士名爲斯那教授弟子等五百人修其所術於是菩薩坐娑羅樹下便爲一切志求無上正眞之道諸天奉甘露菩薩一不肯受自誓日食一麻一米以積精氣端坐六年形體羸瘦皮骨相連元清靜莫寂寂一心內思安般一

數二隨三止四觀五還六淨遊志三四出十二門無分散意神通妙達樂欲惡法無復五蓋不受五欲衆惡自滅念計分明思視無爲譬如健人得勝怨家意以清淨成三禪行天帝釋意念言菩薩坐樹下六年已滿形體羸瘦今當使世間人奉轉輪王食補六年之饑虛便感斯那二女使于夢中見天下盡成爲水中有一華七寶光色須臾便萎失其本色見有一人以水灑上更生如故水中衆華始生萌芽覆水如出二女夢寤怪未曾有即啓語其父不解盡問者年皆不能說天帝復下化作梵志爲女解夢言汝見天下水中生一華者是白淨王太子初生時今在樹下六年身羸形瘦是華萎時見一人水灑更生者是能歡食者小華萌芽欲出者是五道生死人也時天帝釋即說偈言六年不傾倚亦不念饑寒精進無所著形瘦皮骨連汝等修敬意奉獻於菩薩現世獲大福後世受果報女言獻食者其法云何梵志答言當取五百牛乳展轉相飲至於一牛殺一牛種持用作糜乳糜涌沸出高七仞上左右下上左下下斟廉入鉢釜杓不干二女恭肅奉獻菩薩菩薩意欲先沐浴然後受糜行詣流水側灑浴身形浴訖欲出水天神按樹枝二女奉乳糜得食氣力充呪願福無量令汝歸三尊食畢洗手漱口澡鉢已還擲水中逆流未至七里天化作金翅鳥飛來捧鉢去并髮一處供養起塔即復前行當度尼連禪河是時菩薩便說偈言度水尼連禪惡惡一切人五道三毒垢使除如水淨菩薩典是念一切癡墮冥當持八重水洗除三毒垢是時始上岸青雀有五百飛來繞菩薩三市悲鳴去於

是復前行當過寶龍池是龍大歡喜踊出見菩薩便說偏官善哉見悉速來救何以晚奉請一切衆無上甘露藥行步地震動衆衆自然鳴正與過佛等於我無有疑今持無上慧降伏諸魔怨今當佛日照覺諸羣生眠於是復前行望見蘇林山其地平正四望清淨生草柔輭甘泉盈流華香茂潔中有一樹高雅奇特枝枝相次葉葉相加華色蒼鬱如天旌飾天旛在樹頂是則爲元吉衆樹林中王於是小前行見一刈草人菩薩便問曰今汝名何等我名爲吉祥今刈吉祥草今汝施我草十方皆吉祥時吉祥即說偈言以藥聖王位七寶王女寶金銀之牀榻氈錦繡綉綉鳴鳥哀聲八部異音響越過梵天今用芻草爲菩薩以偈答曰發願阿僧祇欲度五道人今往滿本願是故欲得草人與把亂草便持向樹王世間意皆亂我當正其志即持草布地齊正如所言菩薩便坐上一切衆其思菩薩作三要正坐及其樹若我不得道終不離三誓言我肌骨枯不動會當成過佛得道時皆悉出一心於是菩薩安坐入定樂苦樂意無憂喜想心不依轉亦不附惡正在其中如人沐浴淨潔覆以白氈中外俱淨表裏無垢喘息自滅寂然無變成四禪行已得定意不捨大悲智慧方便究暢要妙通三十七道品之行何謂三十七品一爲四意止二爲四意斷三爲四神足四爲五根五爲五力六爲七覺意七爲八直行周而復始苦空非常無相無願我念世間貪愛嗜欲塵生死苦少能自覺本從十二因緣起何等爲十二本從癡行便有識緣識行便有名字從名字行便有六入緣六入行便有更樂緣更樂行

便有痛緣痛行便有愛緣愛行便有取緣取行便有有緣有行便有生緣生行便有老死憂悲苦惱大思具有精神從是轉墮生死欲得道者當斷貪愛滅除情欲無爲無起然則凝滅凝滅則行滅行滅則識滅識滅則名字滅名字滅則六入滅六入滅則更樂滅更樂滅則痛滅痛滅則愛滅愛滅則取滅取滅則有滅有滅則生滅生滅則老死憂悲苦惱大患皆盡是謂得道菩薩心自念言今當降魔官屬即放眉間毫相光明感動魔官魔大惶怖心中不寧觀見菩薩已在樹下清淨無欲精思不懈心中煩毒飲食不甘妓樂不御念是道成必大勝我及其未作佛壞其道意魔子須摩提前諫父曰菩薩行淨三界無比以得自然神通衆衆皆諸天德百皆往禮侍此非天人所當沮壞無爲與惡自毀其福魔王不聽召三玉女一名恩愛二名常樂三名大樂父王其憂吾等自往壞菩薩道不足爲勞父王勿復憂念於是三女莊嚴天服從五百玉女到菩薩所彈琴歌頌姪欲之辭欲亂道意三女復言仁德至重諸天所敬應有供養故天獻我我等潔淨年在盛時願得晨起夜寐供侍左右菩薩各言汝宿有福德得天身不惟無常而作妖媚形體雖好而心不端譬如毒瓶中盛臭毒將以自壞有何等奇福難久居姪惡不善自忘其本福盡罪至重三惡道受六畜形欲脫至難汝輩亂人道意不計非常經歷劫數展轉五道今汝曹等未離動苦吾在世間處處所生親視老者如母中者如姊小者如妹諸姊各各還官勿復作是曹事菩薩一言便成老母頭白齒落眼冥吞偈拄杖相扶而還魔見三女

還皆成老母益大忿怒更名鬼神王合得十八億皆從天來下圍繞菩薩三十六由旬皆使變成師子熊羆兕虎象龍牛馬犬豕豺狼之形不可稱言蟲獸人軀蛇之身龜蛇之首而有六目或一頭而多頭齒牙爪距嶺山吐火雷電四邊持戟牙菩薩慈心不驚不怖一毛不動光顏益好鬼兵不能得近魔王便前說偈問言菩薩慈心所問盡答曰比丘何求坐樹下樂於林數毒獸獸間雲起可畏窮冥冥天魔圍遠不以驚古有真道佛所行恬憺爲上除不明其城最勝法滿藏吾求斯坐決魔王汝當作王轉金輪七寶自至典四方所受五欲最無比斯處無道起入官吾想欲盛吞火銅藥國如唾無所食得王亦有老死憂去此無利勿妄談何安坐林如大語委國財位守空閑不見我與四部兵象馬步兵十八億已見獲獲師于面虎兕毒蛇不鬼形皆持刀劍攫戈矛趨躍呼滿空中設復億億神武備爲魔如汝來會此失刃火攻如風雨不先得佛終不起魔有本願令我退吾亦自誓不虛還今汝福地何如佛於是可知誰得勝吾會終身快布施故典六天爲魔王比丘知我宿福行自稱無量誰爲證昔吾行願從鏡光受拜爲佛時迦文怒畏想盡故坐斯意定必解壞汝軍我所事事諸佛多財寶衣食常施人仁戒積德厚於地是以脫想無患難菩薩即以智慧力伸手接地是知我應時普地轉大動魔輿屬顛倒墮魔王敗績喪失利皆迷却歸前盡地其子又曉心乃寤即時自歸前悔過吾以不復用兵等行惡心却魔怨世用兵器動人心而我以等如衆生若調衆馬雖已調然後故態會復生

中國歷代神異典

第七十七卷 佛菩薩部

八四六

若得最調如佛性已如佛調無不仁諸天見佛擒魔衆忍調無想忍自降諸天歡喜奉華珠非法王壞法王勝本從等意智慧力慧能即時壞不祥能使怨家爲弟子當禮四等道之證面如滿月色從客名聞十方德如山求佛像貌難得此當稽首斯度世仙菩薩累劫清淨之行至備大慈道定自然忍力降魔鬼兵退散定意如故不以智慮無憂喜想是日夜半後得三衛開漏盡結解自知本昔久所習行四神足念精進定欲定意定慧定得變化法所欲如意不復用思身能飛行能分一身作百作千至億萬無數復合爲一能徹入地石壁皆過從一方現俯仰出臂如水波能身中出水火能履水行虛身不陷墜坐臥空中如飛鳥翔立能及天手捫日月欲身平立至梵自在眼微視耳洞聽意預知諸天人龍鬼神蚊行蠕動之類身行口言心所念悉見聞知諸有食煙無食煙者有厭惡無厭惡者有愚癡無愚癡者有愛欲無愛欲者有大志行無大志行者有內外行無內外行者有念善不念善者有一心無一心者有解脫意無解脫意者一切悉知菩薩觀天上人中地獄畜生鬼神五道先世父母兄弟妻子中外姓字一一分別一世十世百千萬億無數世事至於天地一劫崩壞空荒之時一劫始成人物與時能知十劫百劫至千萬億無數劫中內外姓字衣食苦樂壽命長短死此生彼展轉所趣從上頭始諸所更身生長老終形色好醜賢愚苦樂一切三界皆分別知見人鬼神各自隨行生五道中或墮地獄或墮畜生或作鬼神或生天上或人人形有生豪貴富樂家者有生卑賤貧賤家者知

衆生或五陰自蔽一色像二痛癢三思想四行作五魂識皆習五欲眼貪色耳貪聲鼻貪香舌貪味身貪細滑牽於愛欲惑於財色思望安樂從是在諸惡本從惡致苦能斷愛習不隨經心大如毛髮受行八道則衆苦滅譬如無薪亦無火是謂無爲度世之道菩薩自知已棄惡本無姪惡癡生死已盡五陰諸種悉斷無餘災孽所作已成智慧已了明星出時廓然大悟得無上正真道爲最正覺得佛十八法有十神力四無所畏佛十八法者謂從得佛至於泥洹一無失道二無空言三無妄志四無不靜意五無若干想六無不省視七志欲無滅八精進無滅九定意無滅十智慧無滅十一解脫無滅十二度知見無滅十三古世之事悉知見十四來世之事悉知見十五今世之事悉知見十六獲衆身行化以始所知十七獲衆言行化以始所知十八獲衆意行化以始所知是爲佛十八不共之法十神力者佛悉知見深微隱遠是處非處明善如有一力也佛悉明知來今往古所造行地其受報處二力也佛悉分別天人衆生彼彼異念三力也佛知衆生若干種語及度世諸四力也佛悉了知世間難難無量情態五力也佛能現禪解脫定行除衆勞諍六力也佛知欲縛知欲解要在所宜行七力也佛智如海善言無量追識一切宿命所更八力也佛天眼淨見人物死所生出善惡殃福隨行受報九力也佛漏已盡無復縛著神具般若智自知見證究暢道行可作能作無餘生死其智明善是爲佛十神力也四無所畏者佛神智正覺無所不知愚人或言佛不悉知至梵魔衆聖皆莫能論佛之智故獨

步不懼一無畏也佛漏盡悉止愚或相言佛漏未盡至梵魔衆聖莫能論佛之志故獨步不懼二無畏也佛說經戒天下誦習思或相言佛經可過至梵魔衆聖莫能論毀佛之正經故獨步不懼三無畏也佛現道義言具而要能度苦厄愚或相言不能度苦至梵魔衆聖莫能論佛正道故周行不懼四無畏也佛得是意一切智見坐自念言是實微妙難知難明甚難得也高而無上廣而不可極潤而無下深不可測大包天地細入無間養育衆生如觀赤子承事諸佛積德無量累劫勤苦不亡其功今悉得之喜自頌曰作福之報快樂願皆得成速疾入衆寂皆得至泥洹今覺佛極尊業經淨無漏一切能將導從者必歡喜是時佛在摩竭提界善勝道場貝多樹下神力降魔覺慧神靜三達無礙度二賈客提謂波利授三自歸及與五戒爲清信士念昔錠光別我爲佛汝後百劫當得作佛名釋迦文如來成等正覺解無上道爲天人師號佛世尊度脫衆生如我今也吾從是來建立弘誓奉行六度四等四思三十七品善權隨轉一切諸法積累不絕高行殊異忍苦無量功報不遺大願果成佛說經已一切衆會皆大歡喜爲佛作禮而去按佛國記烏長國是正北天竺也常傳言佛至北天竺即到此國佛足跡於此宿阿多國佛法亦盛昔天帝釋試菩薩化作鷹鶴割肉貿鴿佛即成道與諸弟子遊行語云此本是吾割肉貿鴿處國人由是得知於此處起塔金銀校飾健陀衛國是阿育王子法益所治處佛爲菩薩於此國以眼施人其處亦起大塔金銀校飾

竺利戶羅國竺利戶羅漢言微頭也佛為菩薩時於此處以頭施人故因以為名

弗樓沙國佛昔將諸弟子遊行詣阿難云吾般泥洹後當有國王名彌伽伽於此處起塔後彌伽王出世出行遊觀時天帝釋欲開發其意化作牧牛小兒當遣起塔王問言汝作何等答曰作佛塔王言大善於是王即於小兒塔上起塔高四十餘丈衆寶校飾凡所經見塔廟壯麗威嚴都無此比傳云闍浮提塔唯此為上王作塔成已小塔即自傍出大塔南高三尺許

僧伽施國有佛上切利天三月為母說法來下處佛上切利天以神通力都不使諸弟子知未滿七日乃放神足阿那律以天眼遙見世尊即語尊者大目連汝可往問訊世尊目連即往頭面禮足共相問訊問訊已佛語目連吾却後七日當下闍浮提目連即還於時八國大王及諸臣民不見佛久咸皆渴仰雲集此國以待世尊時優鉢羅比丘尼即自心念今日國王臣民皆當奉迎佛我是女人何由得先見佛即以神足化作轉輪聖王最前禮佛從切利天上來向上下時化作三道寶階佛在中道七寶階上行梵天王亦化作白銀階在右邊執白拂而侍天帝釋化作紫金階在左邊執七寶蓋而侍諸天無數從佛下佛既下三階俱沒於地餘有七級現後阿育王欲知其根際遣人掘看下至黃泉根猶不盡王益信敬即於階上起精舍當中階作丈六立像精舍後立石柱高三十肘上作師子柱內四邊有佛像內外映徹淨若琉璃有外道論師與沙門譯此住處時沙門理屈於

是共立誓言此處若是沙門住處者今當有靈驗作是言已柱頭師子乃大鳴吼見證於是外道懼怖心伏而退佛以受天食三月故身作天香不同世人即便浴身後人於此處起浴室浴室猶在優鉢羅比丘尼初禮佛處今亦起塔佛在世時有翦髮爪作塔及過去三佛并釋伽文佛坐處經行處及作諸佛形像處盡有塔今悉在天帝釋梵天王從佛下處亦起塔北五十由延有一寺名火境火境者惡鬼名也佛本化是惡鬼後人於此處起精舍以精舍布施阿羅漢

以水灌手水瀝滴地其處故在正復掃除常現不滅此處有辟支佛食處泥洹地大如車輪餘處生草此處獨不生及曬衣地處亦不生草衣條著地跡今故現在東南闍維夷城去城西六七里恆水北岸佛為諸弟子說法處傳云說無常苦說身如泡沫等此處起塔猶在恆水南一林名阿梨佛於此中說法經行坐處盡起塔

沙祇大園城南門道東佛本在此嚼楊枝刺土中即生長七尺不增不減諸外道婆羅門嫉妬或折或拔壞棄之其處續生如故

拘薩羅國城南門二百步道西長者須達起精舍精舍東向開門戶兩廂有二石柱左柱上作輪形右柱上作牛形池流清淨林木尚茂華異色蔚然可觀即所謂祇洹精舍也佛上切利天為母說法九十日波斯匿王思見佛即刻牛頭栴檀作佛像置佛坐處佛後還入精舍像即進出迎佛佛言還坐吾般泥洹後可為四部衆作法式像即還坐此像最是衆像之始後人所法者也佛於是移住南邊小精舍與像

異處相去二十步精舍西北四里有標名曰得眼本有五百盲人依精舍住此佛為說法盡還得眼盲人歡喜刺杖著地頭面作禮杖遂生長大世人重之無敢伐者遂成為標是故以得眼為名祇洹衆僧中食後多往彼標中坐禪祇洹精舍東北六七里毗舍佉母作精舍請佛及僧此處故在祇洹精舍大援落有二門一門東向一門北向北向此園即須達長者布金錢買地處也精舍當中央佛住此處最久說法度人經行坐處亦盡起塔皆有名字乃孫陀利殺身誘佛處

出祇洹東門北行七十步道西佛昔共九十六種外道論議國王大臣居士人民皆雲集而聽時外道女名旃遮摩那起嫉妬心及懷衣著腹前似若妊身於衆會中謗佛以非法於是天帝釋即化作白鼠齧其腰帶斷所懷衣墮地地即裂裂生入地獄及調達毒瓜欲害佛生入地獄處後人皆標識之又於論議處起精舍精舍高六丈許裏有坐佛其道東有外道天寺名曰影覆與論議處精舍夾道相對亦高六丈許所以名影覆者日在西時世尊精舍影則映外道天寺日在東時外道天寺影則北映終不得映佛精舍也外道常遣人守其天寺掃灑燒香燃燈供養至明且其燈輒發在佛精舍中婆羅門悲言諸沙門取我燈自供養佛為爾不止婆羅門於是夜自伺候見其所事天神持燈繞佛精舍三匝供養佛已忿然不見婆羅門乃知佛神大即捨家入道傳云近有此事舍衛城東南四里琉璃王欲伐舍夷國世尊當道側立立處起塔城西五十里一邑名都維是迦葉佛本生處父子相見處般泥洹處皆悉起塔舍衛城東南十

中國歷代神異典

第七十七卷 佛菩薩部

一由延一邑名那毗伽此北一由延一邑是拘那含牟尼佛所生處父子相見處般泥洹處皆起塔此東一由延迦維羅衛城城中都無王民甚如坵荒只有聚僧民戶數十家而已白淨王故宮處作太子母形像乃太子乘白象入母胎時太子出城東門見病人起車還處皆起塔阿夷相太子處與難陀等摸象角射箭處東南去三十里入地令泉水出後世人治作井令人飲之佛得道還見父王處五百釋子出家向優波離作禮地六種震動處佛為諸天說法四天王守四門父王不得入處佛在尼拘律樹下東向坐大愛道布施佛僧伽聚處此樹猶在瑞瑞王殺釋種子釋種子先盡得須陀洹立塔今亦在城東北數里有王田太子樹下觀耕者處城東五十里有王園國名論民夫人入池洗浴出池北岸二十步舉手攀樹枝東向生太子二龍王浴太子身浴處遂作井及上洗浴池今衆僧常取飲之凡佛有四處常定一者成道處二者轉法輪處三者說法論議伏外道處四者上切利天爲母說法來下處餘則隨時示現焉

藍莫國東拘夷那竭城城北雙樹間希連河邊世尊於此北首而般泥洹及須跋最後得道處以金棺供養世尊七日處金剛力士放金杵處八王分舍利處諸處皆起塔有僧伽藍今悉現在從此東南十二由延諸衆車欲逐佛般泥洹處而佛不聽戀佛不肯去佛化作大深壑不得渡佛與鉢作信遺遺其家立石柱上有銘題

摩竭提國東南一小孤石山山頭有石室石室南向佛坐其中天帝釋將天衆般遮彈琴樂佛處帝釋以

四十二事問佛一一以指畫石畫跡故在從此西南那羅聚落是舍利弗本生村舍利弗還於此村中般泥洹即此處起塔今亦現在從此西一由延王舍新城出城南四里南向入谷至五山裏五山周圍狀若城郭即是折沙王舊城城東西可五六里南北七八里舍利弗目連初見須彌處尼捷子作火坑毒飯請佛處阿闍世王酒飲黑象欲害佛處城東北角曲中者舊於菴婆羅園中起精舍請佛及千二百五十弟子供養處今故在谷搏山東南上十五里到耆闍崛山未至頭三里石窟南向佛本於此坐禪西北三十步復有一石窟阿難於中坐禪天魔波旬化作鵲鷲住窟前恐阿難佛以神足力隔石舒手摩阿難肩佛即得止鳥跡手孔今悉存故曰鵲鷲窟山窟前有數百佛在石室前東西經行調達於山北嶺巔間橫擲其石傷佛足指處石猶在佛說法堂已毀壞止有磚壁基在搏南山有一石室名寶波羅窟佛食後常於此坐禪又西五六里有一石室名車帝佛泥洹後五百阿羅漢結集經處出經時鋪三空座莊嚴校飾舍利弗在左目連在右五百數中少一阿羅漢大迦葉爲上座時阿難在門外不得入其處起塔今亦在從此西伽耶城城南二十里菩薩本苦行六年處有林木此西三里佛入水洗浴天按樹枝得攀出池處又北二里得彌家女奉佛乳糜處從此北二里佛於一大樹下石上東向坐食糜樹石今悉在石可廣長六尺高二尺許國中寒暑均調樹木或數千歲乃至萬歲此東北一石窟菩薩入中西向結跏趺坐心念若我成道當有神驗石壁上即有佛影現長二尺許

今猶明亮時天地大動諸天在空中白言此非過去當來諸佛成道處去此西南行減半由延貝多樹下是過去當來諸佛成道處諸天說是語已即便在前唱導導引而去菩薩起行離樹三十步天授吉祥草菩薩受之復行十五步五百青雀飛來繞菩薩三市而去菩薩前到貝多樹下敷吉祥草東向而坐時魔王遣三玉女從北來試魔王自從南來試菩薩以足指按地魔兵退散三女變老自上苦行六年處及此諸處後人皆於中起塔立像今皆在佛成道已七日觀樹受解脫樂處佛於貝多樹下東西經行七日處諸天化作七寶屋供養佛七日處文鱗育龍七日處佛處佛於尼拘律樹下方石上東向坐梵天來請佛處四天王奉鉢處五百賢客授妙蜜處處迦葉兄弟師徒千人處此諸處亦起塔佛得道處有三僧伽藍皆有僧住衆僧民戶供給饑足無所乏少戒律嚴峻威儀坐起入衆之法佛在世時聖衆所行以至於今佛泥洹已來四大塔處相承不絕四大塔者佛生處得道處轉法輪處般泥洹處

迦尸國波羅捺城城東北十里許得仙人鹿野苑精舍此苑本有辟支佛住常有野鹿栖宿世尊將成道諸天於空中唱言白淨王子出家學道却後七日當成佛辟支佛聞已即取泥洹故名此處爲仙人鹿野苑世尊成道已後人於此處起精舍佛欲度拘躡等五人五人相謂言此置曇沙門本六年苦行日食一麻一米尚不得道況入人間恣身口意何道之有今日來者慎勿與語佛到五人皆起作禮處復北行六十步佛於此東向坐始轉法輪度拘躡等五人處其

北二十步佛爲彌勒授記處其南五十步野羅鉢龍開佛我何時當得免此龍身此處皆起塔現在拘賾國精舍瞿師羅園佛昔住處東八由延佛本於此度惡鬼處亦曾在此住經行坐處皆起塔師子國本無人民止有鬼神及龍居之佛至其國欲化惡龍以神足力一足躡王城北一足躡山頂兩跡相去十五由延於王城北跡上起大塔高四十丈金銀莊校衆寶合成

按如來方便善巧呪經時釋迦如來在虛空爲護一切無量衆生除一切病斷一切惡諸邪鬼故說是神呪南無佛陀耶一南無達摩耶二南無僧伽耶三南無寶迦牟尼耶四多他伽多耶五阿囉漢祇六三藐三佛陀耶七多他他囉迷囉迷八摩訶囉迷九多犁婆摩十摩訶多犁十一栴檀栴檀十二摩訶栴檀十三大喇十四摩訶大喇十五帝喇帝喇十六摩訶帝喇十七阿囉十八阿囉十九諸囉諸囉二十摩訶諸囉二十一覺囉覺囉二十二摩訶覺囉二十三帝囉帝囉二十四摩訶帝囉二十五度迷度迷二十六摩訶度迷二十七栴檀栴檀二十八摩訶栴檀二十九詰喇詰喇三十摩訶詰喇三十一折隸折隸三十二摩訶折隸三十三蘇婆阿三十四爾時釋迦如來說是呪已告虛空藏菩薩言虛空藏若善男子善女人受持讀誦是陀羅尼者一切刀杖所不能加一切水火亦不能害一切惡病所不能惱終不橫死如前六佛所說神呪等無有異

地佛廣說往昔六返作輪王於此地屠骨我今成正覺已於此處復捨身命涅槃有菩薩名迦葉廣問病因并決諸疑佛從臥起放大光明照無量土八熱八寒諸地獄苦皆悉消滅光中說言一切衆生皆有佛性廣說法要度人無數故現倚臥令未得道者爲得道因又爲八部大設供養以千端饌纏身七寶棺盛香油灌香水焚二甑不然一在外一在內爲諸衆生分散舍利

雙卷泥恒經云告諸比丘佛之遺令必共慎之却後一億四千餘歲乃復有佛我爲聖師至七十九所應作者並已究暢汝其勉之夜已半矣無宜放逸善法由生萬物無常此是後說於是世尊即入初禪二三四禪空識不用至非想定入滅盡定從定起已入非想定乃至四三初禪又從初禪入二三四禪從定起已入般涅槃於是大地震動幽冥大明天雨香華散大會上梵釋神天各作偈頌諸比丘等悲憫煩絕阿那律告止諸天滿空諸比丘等悲號搔擾恐有怪責既聞此喻互相裁抑

諸比丘竟夜講法達於天曉那律告阿難入城告知如來已滅度宜知所作聞已悲慟各齎香華樂具詣樹供養竟一日已以舍利置鉢上諸天舉角入城東門遍諸里巷國人皆出詣城西門在高顯處天意留至七日令得供養又出北門度尼連河天冠寺中各嚴衆具以輪王法供辦具香水浴已劫貝周纏內金棺中外鐵柳盛沉檀名香積上將欲加火而天滅之待迦葉故

摩耶經云佛涅槃時夫人天上現五大惡夢時阿那

律殯如來已昇天告之聞之悶絕延已與眷屬下遙見佛棺不能自勝前至頂禮天華布散願見大衣鉢杖執之悲感雨下成河佛以神力棺蓋欲開合掌舉慰從內起坐放光明時佛合掌問訊願勿啼哭廣說諸偈此名母子相見便與辭別棺便忽闔三千界動八部悲感

按西陽雜俎那揭羅國城東塔中有佛頂骨周二尺欲知善惡者以香塗印骨其迹煥然善惡相悉見按三藏法數世尊往昔在山修道號善慧比丘得五種奇特夢走白普光如來請爲解說所夢之相一夢臥大海普光云夢臥大海者汝身現居生死海中未到彼岸未證涅槃也二夢枕須彌普光云夢枕須彌者以表出生死海登於彼岸將證涅槃也三夢海中一切衆生入我身內普光云夢大海中一切衆生入身內者以示當於塵勞海中爲諸衆生作歸依處濟度有情超於彼岸也四夢手執日普光云夢執日者以表智慧光明普照法界開導昏迷歸正覺路也五夢手執月普光云夢執月者以表方便之智入於生死塵勞界內用清涼法化導衆生令離熱惱也如來三十二相謂如來應化之身具此三十二相以表法身衆德圓極人天中尊衆聖之王也

十種佛梵語具云佛陀華言覺謂自覺覺他覺行圓滿也一成正覺佛謂佛於菩提樹下降伏諸魔萌然大悟證無上果是名成正覺佛二願佛謂佛從兜率下生人間說法度生調宿因願是名願佛三報佛謂佛修萬行清淨業因感相好莊嚴果報是名報佛四住持佛謂佛真身及於舍利住持世間永久

不壞是名住持佛五涅槃佛梵語涅槃華言滅度謂佛應身化事既終示現滅度是名涅槃佛六法界佛謂佛證一真法界無漏之體有大智慧放大光明徧照一切是名法界佛七心佛謂佛心體離念慮微重還本來真覺寂然獨照是名心佛八三昧佛梵語三昧華言正定謂佛常住大定如如不動了知一切是名三昧佛九本性佛謂佛具大智慧照了自性本來是佛具足恆沙性妙功德是名本性佛十隨樂佛謂佛隨機樂欲如意速疾即為現身說法令其行業成就就是名隨樂佛

如來十身一菩提身梵語菩提華言道謂如來於菩提樹下降伏外魔朗然大悟成正覺是名菩提身二願身謂如來本願徧周法界誓度一切眾生故從兜率降生人間說法利生願宿因願是名願身三化身謂如來隨類化現普應羣機若月臨衆水是名化身四力持身謂如來神力任持全身碎身未久不壞作衆生福田是名力持身五相好莊嚴身謂如來證得微塵數相好莊嚴實報之身是名相好莊嚴身六威勢身謂如來處於衆會道場威德廣大一切天魔外道無不歸伏如月光明掩映衆星是名威勢身七意生身謂如來隨自他意處處受生度諸有情意有所往身即隨到是名意生身八福壽身謂如來福壽具足猶如大海無不涵容是名福壽身九法身謂如來法性具常湛然清淨周徧法界經云佛以法爲身清淨如虛空是名法身十智身謂如來妙智圓明決了諸法通達無礙是名智身

按指月錄世尊示隨名摩尼珠問五方天王此珠而

作何色時五方天王互說異色世尊藏珠復握手曰此珠作何色天王曰佛手中無珠何處有世尊曰汝何迷倒之甚吾將世珠示之便強說有青黃赤白色吾將異珠示之便總不知時五方天王悉自悟道世尊因黑氏梵志獻合歡栴檀花佛召仙人放下著梵志放下左手一株花佛又召仙人放下著梵志又放下右手一株花佛又召仙人放下著梵志曰吾今兩手俱空更教放下箇甚麼佛曰吾非教汝放捨其花汝當放捨外六塵內六根中六識一時捨却無可捨處是汝放身命處梵志於言下悟無生忍

世尊因普眼菩薩欲見普賢不可得見乃至三度入定徧觀三千大千世界覓普賢不可得見而來白佛佛曰汝但於靜三昧中起一念便見普賢於是普眼纔起一念便見普賢向空中乘六牙白象世尊因五通仙人問世尊有六通我有五通如何是那一通佛召五通仙人仙人應諾佛曰那一通你問我

世尊一日因文殊在門外立乃曰文殊文殊何不入門來文殊曰我不見一法在門外何以教我入門無邊身菩薩將竹杖量世尊頂丈六了又丈六量到梵天不見世尊頂乃擲下竹杖合掌說偈云虛空無有邊佛功德亦然若有能量者窮劫不可盡按佛法金湯編昭王二十六年四月八日大地宮殿震動池井汎溢日有重輪五色祥光入貫太微徧照西方王問羣臣莫測其祥太史蘇固筮之得乾之九五繇曰此西方聖人降誕之相却後千年教法來此王命鑄石記之置之南郊天祠前

穆王二十三年數有光明來照王都疑或寇至遣相圖呂侯出師防之乃西方聖人說法度人流光遠及也五十二年二月十五日大地震動狂風折木江河鼓沸池井沸湧鳥獸悲鳴日午有白虹十二道南北遍貫王憂及社稷召太史扈多筮之曰吉願王無憂此西方聖人示滅異感也

按三才圖會釋迦牟尼佛姓利初生時即周昭王二十四年四月八日也年十九出家至穆王三十四年星出時成佛時年三十矣住世四十九年泊然宴寂時穆王五十二年二月十五日

欽定古今圖書集成博物彙編神異典

第七十八卷目錄

佛菩薩部彙考二

彌勒佛

阿彌陀佛

藥師佛

地藏菩薩

普賢菩薩

神異典第七十八卷

佛菩薩部彙考二

彌勒佛

按佛說觀彌勒菩薩下生經開如是一時佛在舍衛國祇樹給孤獨園與大比丘衆千五百人俱爾時阿難偏袒右臂右膝著地白世尊言如來元鑒無事不察當來過去現在三世皆悉明了過去諸佛姓名號弟子菩薩異從多少皆悉知之一切百劫若無數劫皆悉觀察亦復知國王大臣人民姓字悉能分別如今現在國界若干亦復明了將來久遠彌勒出現至真等正覺欲聞其變弟子異從佛境豐樂爲經幾時佛告阿難汝還就坐聽我所說彌勒出現國土豐樂弟子多少善思念之執在心懷是時阿難從佛受教即還就坐爾時世尊告阿難曰將來久遠於此國界當有城郭名曰雞頭東西十二由旬南北七由旬土地豐熟人民熾盛街巷成行爾時城中有龍王名曰水光夜雨香澤晝則清和是時雞頭城中有羅刹鬼名曰葉華所行順法不違正教每伺人民寢寐之際

後除去穢惡諸不淨者又以香汁而灑其地極爲香淨阿難當爾之時聞浮提地東南西北十萬由旬諸山河石壁皆自消滅四大海水各據一方時間浮地極爲平整如鏡清明舉閭浮地內穀食豐賤人民熾盛多諸珍寶諸村聚落雞鳴相接是時弊華果樹枯竭穢惡亦自消滅其餘甘美果樹香氣殊好者皆生於地爾時時氣和適四時順節人身之中無有百八之思貪欲瞋恚愚癡不大殷勤人心均平皆同一意相見歡悅善言相向言辭一類無有差別如彼疊疊越人而無有異是時間浮地內人民大小皆同一響無有若干差別異也彼時男女之類意欲大小便時地自然開事訖之後地復還合爾時閭浮地內自然生粳米亦無皮裹極爲香美食無患苦所謂金銀珍寶碑瑠璃瑪瑙真珠琥珀各散在地無人省錄是時人民手執此寶自相謂言昔者之人由此寶故更相傷害繫閉在獄受無數苦惱如今此寶與瓦石同流無人守護爾時法王出現名曰優伽正法治化七寶成就所謂七寶者金輪寶象寶馬寶珠寶玉女寶典兵寶守藏寶是謂七寶鎮此閭浮地內不以刀仗自然靡伏如今阿難四珍之藏乾陀越國伊羅鉢寶藏多諸珍寶異物不可稱計第二彌提羅國綬大藏亦多珍寶第三須賴吒大國有大寶藏亦多珍寶第四波羅捺國優伽大寶藏亦多諸珍寶不可稱計此四大藏自然應現諸守藏人各來白王唯願大王以此寶藏之物惠施貧窮爾時優伽大王得此寶已亦復不省錄之竟無財物之想時間浮地內自然樹上生衣極細柔軟人取著之如今鬱單越人自然樹上生

衣而無有異爾時彼王有大臣名曰修梵摩是王少小同好王甚愛敬又且顏貌端正不長不短不肥不瘦不白不黑不老不少是時修梵摩有妻名梵摩越王女中最極殊妙如天帝妃口作優鉢羅華香身作旃檀香諸婦人八十四態未無復有亦無疾病亂想之念爾時彌勒菩薩於兜率天觀察父母母不少便降神下應從右脅生如我今日右脅生無異彌勒菩薩亦復如是兜率諸天各各唱令彌勒菩薩已降神生是時修梵摩即與子立字名曰彌勒彌勒菩薩有二十二相八十種好莊嚴其身身黃金色爾時人壽極長無有諸患皆壽八萬四千歲女人五百歲然後出離爾時彌勒在家未經幾時便當出家學道爾時去雞頭城不遠有道樹名曰龍華高一由旬廣五百步時彌勒菩薩坐彼樹下成無上道果當其夜半彌勒出家即其夜分成無上道應時三千大千刹土六反震動地神各各而相告曰今彌勒已成佛道其聲轉至聞四天王宮彌勒已成佛道轉聞徹於三十三天旛摩天兜率陀天化樂天他化自在天乃至梵天彌勒已成佛道爾時魔王名曰大將以法治化聞如來名音響之聲歡喜踊躍不能自勝七日七夜不眠不寐是時魔王將欲界無數人天至彌勒佛所恭敬禮拜彌勒聖尊與諸人天漸漸說法微妙之論所謂論者施論戒論生天之論欲不淨想出要爲妙爾時彌勒見諸人民已發心歡喜諸佛世尊常所說法苦集盡道與諸人天廣分別其義爾時座上八萬四千人諸塵垢盡得法眼淨爾時大將魔王告彼界人民之類曰汝等速出家所以然者彌勒今日已